

欽定四庫全書

子部
銅人鍼灸經卷一至四

詳校官太醫院吏目臣吳尊慶

編修臣倉聖脈覆勘

總校官知縣臣楊懋珩

校對官編修臣盧遂

謄錄監生臣施華



欽定四庫全書	子部五
銅人鍼灸經	醫家類
提要	
<p>臣等謹案銅人鍼灸經七卷不著撰人名氏按晁公武讀書後志曰銅人腧穴鍼灸圖三卷皇朝王惟德撰仁宗嘗詔惟德攷次鍼灸之法鑄銅人為式分臟腑十二經旁注腧穴所會刻題其名併為圖法及主療之術刻板</p>	
欽定四庫全書	銅人鍼灸經
傳於世王應麟玉海曰天聖五年十月壬辰醫官院上所鑄腧穴銅人式二詔一置醫官院一置大相國寺仁濟殿先是上以鍼砭之法傳述不同命尚藥奉御王惟一考明堂氣穴經絡之會鑄銅人式又纂集舊聞訂正訛謬為銅人腧穴鍼灸圖經三卷至是上之摹印頒行翰林學士夏竦序所言與晁氏畧同惟王惟德作惟一人名小異耳此本卷數不	



<p>符而大致與二家所言合疑或天聖之舊本 而後人析為七卷歟周密齊東野語曰嘗聞 舅氏章叔恭云昔倅襄州日嘗獲試鍼銅人 全像以精銅為之腑臟無一不具其外膺穴 則錯金書穴名於旁凡背面二器相合則渾 然全身蓋舊都用此以試醫士者其法外塗 黃蠟中實以水俾醫工以分析寸按穴試鍼 中穴則鍼入而水出稍差則鍼不可入矣亦 奇巧之器也後趙南仲歸之內府叔恭嘗寫 二圖刻梓以傳焉今宋銅人及章氏圖皆不 傳惟此書存其梗概爾乾隆四十六年正月 恭校上</p>	<p>欽定四庫全書 銅人鍼灸經</p>	<p>總纂官 臣 紀昀 臣 陸錫熊 臣 孫士毅</p>	<p>總校官 臣 陸 費 墀</p>
--	-------------------------	-----------------------------	--------------------



欽定四庫全書

銅人鍼灸經卷一

夫黃帝正經者是先聖之遺教乃後人之令範是以先明流注孔穴靡不指的其源若或苟從異說恐乖正理之言其十三經脈者皆有俞原手足陰陽之交會血氣之流通外營指節內連臟腑故經云手三陽之脈從手至頭手三陰之脈從手至曾足三陽之脈從足至頭足三陰之脈從足至曾是謂日夜循環陰陽會合又曰春

欽定四庫全書

銅人鍼灸經

夏刺淺秋冬刺深緣春夏陽氣在上人氣亦在上故當淺取之秋冬陽氣在下人氣亦在下故當深取之是以春夏各致一陰秋冬各致一陽者也然春夏溫必致一陰者初下針沉之至腎肝之部得氣乃引持之陰也秋冬寒必致一陽者乃初內針淺而浮之至心肺之部得氣而內之陽也是謂春夏必致一陰秋冬必致一陽者也凡孔穴流注所出為井所流為營所注為俞所過為原所行為經所入為合此針之大法也春刺井夏刺營



仲夏刺俞秋冬刺合也

營出少商為井手太陰脈也流於魚際為營注於太泉

為俞過於列缺為原行於經渠為經入於尺澤為合

心出中冲為井手少陰脈也流於勞宮為營注於大陵

為俞過於內關為原行於間使為經入於曲澤為合

心包絡脈手厥陰之脈也出於少冲為井流於少府為

營注於神門為俞過於通理為原行於靈道為經入於

少海為合

欽定四庫全書

銅人鍼灸經

大腸出於商陽為井手陽明脈也流於二間為營注於三

間為俞過於合谷為原行於陽溪為經入於曲池為合

三焦出於關冲為井手少陽脈也流於液門為營注於

中渚為俞過於陽池為原行於支渠為經入於天井為合

小腸出於少澤為井手太陽脈也流於前谷為營注於

後溪為俞過於腕谷為原行於陽谷為經入於少海為

合手三陰三陽流注者

胃出於厲兌為井足陽明脈也流於內庭為營注於陷



谷為俞過於冲陽為原行於解谿為經入於三里為合
膽出於竅陰為井足少陽脈也流於俠谿為營注於臨泣
為俞過於丘墟為原行於陽輔為經入於陽陵泉為合
膀胱出於至陰為井足太陽脈也流於通谷為營注於
束骨為俞過於京骨為原行於崑崙為經入於委中為合
脾出於隱白為井足太陰脈也流於大都為營注於太白
為俞過於公孫為原行於商丘為經入於陰陵泉為合
肝出大敦為井足厥陰脈也流於行間為營注於太冲

欽定四庫全書

銅人鍼灸經

為俞過於中封為原行於中都為經入於曲泉為合

腎出湧泉為井足少陰脈也流於然谷為營注於太谿為
俞過於水泉為原行於復溜為經入於陰谷為合足三陰
三陽所流注者又云能知迎隨之氣可令調氣調氣之方
者必在陰陽然所謂迎隨者知榮衛之流行經絡之往來
也隨其順逆而取之故曰迎隨調氣之方必在陰陽者知
其表裏隨其陰陽而調之故曰調氣之方必在陰陽者也
夫用針刺刺者須明其孔穴補虛瀉實送堅付軟以急隨



緩榮衛常行勿失其理故經云虛者補之實者瀉之不
虛不實以經取之然虛者補其母實者瀉其子當先補
而後瀉不實不虛以經取穴者然是正經目
中他邪當自取其經故言以經取之

又云刺營無傷於衛刺衛無傷於營然針陽者卧針而
刺之刺陰者先以左手捻按所針營俞之處候氣散乃
內針是謂刺營無傷於衛刺衛無傷於營也

又云東方實西方虛瀉南方補北方者然是金水木火

欽定四庫全書

銅人鍼灸經

土當於相平也緣東方木西方金木欲實金當平之火
欲實水當平之東方者肝也則知肝實西方者肺也則
知肺虛瀉南方補北方者南方火火者木之子北方水
水者木之母水勝火子能令母實母令子虛故瀉火補
水欲令金不得平木也經言不能治其虛何問其餘此
之謂也又曰夫言氣實者熱也氣虛者寒也針實者以
右手持針左手捻按開針穴以瀉之虛者以左手閉針
穴以補之補瀉之時與氣開闔相應是謂針容一豆補



瀉之理也又云虛者徐而疾實者疾而徐徐即是瀉疾
即是補補瀉之法一依此也下針之時搯取穴置針於
營上三十六息以左搯穴令定法其地不動右手持針
象其天而運轉也於此三十六息然定得針右手存意
捻針左手搯穴可重五兩已來計其針如轉如不轉徐
徐下之若覺痛即可重二兩若不覺以經下之入人營
至衛至病得氣如鮪魚食釣即得其病氣也量其輕重
以經取之名曰疾徐者至病即得氣欲出針時子午緩

欽定四庫全書

銅人鍼灸經

緩出而引病氣不絕名曰徐也既引氣名一向無補名
之曰瀉問曰凡下針時若為是好答曰徐徐下之堅持
為實凡下針先須持針堅得安穩不用飽食亦不用空
肚如患人欲針針者有乘車來者有步行來者如人行
十里許須令坐息安神定氣乘車者如人行三里許患
人嘿嘿而不言安心大坐候氣脈安定乃可下針又云
夫針之者不覺身心口如銜索曰欲內視消息氣而不
得妄行針針入一分知天地之氣針入二分知呼吸之



氣針入三分知逆順之氣針皮毛者無傷肌肉針肌肉	者無傷筋脈針筋脈者無傷骨髓針骨髓者無傷諸絡	東方甲乙木主人筋膜南方丙丁火主人血脈西方庚	辛金主人皮毛北方壬癸水主人骨髓中央戊己土主	人肌肉針傷筋膜者令人愕視失魂針傷血脈者令人	煩亂失神針傷皮毛者令人上氣失氣針傷骨髓者令	人呻吟失志針傷肌肉者令人四肢不收失智也刺若	中心一日死刺若中肝五日死刺若中腎六日死刺若	欽定四庫全書	銅人鍼灸經	中肺三日死刺若中脾十日死刺若中膽一日半死	又云無刺大醉無刺大怒無刺大勞無刺大飽無刺大	饑無刺大渴無刺大驚已上古之深戒也	又黃帝問岐伯曰余聞九針之名上應天地四時陰陽	願聞其方傳於後代岐伯對曰九針者一曰鑱針二曰	圓針三曰鍤針四曰鋒針五曰錐針六曰丸利針七曰	毫針八曰長針九曰大針此乃九針之名九針所應一	天二地三人四時五音六律七星八風九野人之身形
-----------------------	-----------------------	-----------------------	-----------------------	-----------------------	-----------------------	-----------------------	-----------------------	--------	-------	----------------------	-----------------------	------------------	-----------------------	-----------------------	-----------------------	-----------------------	-----------------------



示應之也各有所宜人皮應天人肉應地人脈應人人筋應四時人聲應音人陰陽合氣應律人齒面目應星人出入氣應風人九竅三百六十五絡應九野故一針皮二針肉三針脈四針筋五針骨六針調陰陽七針益精八針除風九針通九竅除三百六十五節氣此之謂各有所立也黃帝問曰人生有形不離陰陽天地合氣別為九野分為四時月有小大日有長短長萬物並至不可勝量虛實呿吟敢問其方岐伯曰木得金而伐火

欽定四庫全書

銅人鍼灸經

得水而滅土得木而達金得火而缺水得土而絕萬物盡然不可勝竭故針有懸布天下者五黔首其餘食莫知之也一曰治神二曰知養身三曰知毒藥為真四曰制砭石小大五曰知府藏血氣之診五法俱立各有所先今末世之刺也虛者實之滿者泄之此皆衆工所共知也若夫法天則地隨應而動和之者若響隨之者若影道無鬼神獨往黃帝曰願聞其道岐伯曰凡刺之真必先治神五臟已定九候已備乃後存針衆脈不見衆



凶弗聞外內相得無以形先可玩往來乃施於人人有
 虛實五虛勿近五實勿遠至其當發間不容曠手動若
 務針耀而勻靜意視義觀適之變是謂冥冥莫知其形
 見其烏烏見其稷稷從見其飛不知其誰伏如橫弩起
 如發機黃帝曰何如而虛何如而實岐伯曰刺虛者須
 其實刺實者須其虛也留氣已至慎守勿失深淺在志
 遠近如一如臨深淵手如握虎神無營於衆物今列孔
 穴圖於後者

欽定四庫全書

銅人鍼灸經

銅人鍼灸經卷一



顛會一穴在上星上一寸陷者中是穴督脈氣所發主
療鼻塞日灸二七壯至七日停初灸之時痛五十壯
即不痛至七十壯或痛即停灸其鼻塞若灸至四日
便當漸可至七日即差針入二分留三呼得氣即瀉
主療頭風痛白屑起多睡針之彌佳針訖可用末鹽
生麻油相和以揩髮根下□頭悉塗數數用此即末
無頭風八歲以上方可針顛門未合若針不幸令人
死忌蕎麥熱食猪肉

欽定四庫全書

銅人鍼灸經

前頂一穴在顛會上一寸五分骨陷中是甄權針經云
一寸是穴今依素問一寸五分為定督脈氣所發主
療頭風熱痛頭腫風癩針入三分留七呼瀉五吸大
腫極即以三稜針刺之遠四方一寸以下其頭痛腫
立差復以鹽末生麻油揩髮際下灸亦得
百會一穴在前頂後一寸半頂中心督脈足太陽之會
主療脫肛風癩青風心風弓角反張羊鳴多哭言語
不擇發時即死吐沫心中熱悶頭風多睡心煩驚悸



無心力志前後失後喫食無味頭重飲酒面赤鼻塞針入二分得氣即瀉如灸數至百五即停三五日訖繞四畔以三稜針刺令出血以井花水淋之令氣宣通不得一向火灸恐拔氣上令人眼暗忌酒麵猪魚蕎麥蒜_☐等

天突一穴在結喉下陷者中宛宛是陰維任脈之會針入五分留三呼得氣即瀉主欬嗽上氣噎膈中氣喉內狀如水雞聲肺壅唾膿血氣壅不通喉中熱瘡不

欽定四庫全書

銅人鍼灸經

得下食灸亦得然不及針其下針直橫下不得_☐手即五臟之氣傷令人短壽慎加藥法及辛酸滑等

璇璣一穴在天突下一寸陷者中仰頭取之是穴任脈氣所發主膈支滿痛喉痺咽癰水漿不下灸五壯針入三分

華蓋一穴在璇璣下一寸陷中仰而取之任脈氣所發主胸脇支滿痛引胸中欬逆上氣喘不能言灸五壯針入三分



紫宮一穴在華蓋一寸六分陷者中仰而取之任脈氣 所發主脅支滿痺痛骨疼飲食不下嘔逆上氣煩 心也灸五壯針入三分	玉堂一穴在紫宮下一寸六分陷中一名玉英任脈氣 所發主胸滿不得喘息痺痛骨疼嘔逆上氣煩心灸 五壯針入三分	亶中一穴一名元兒在玉堂下一寸六分橫直兩乳間 陷者中任脈氣所發宜灸至七七止主肺癰咳嗽上 欽定四庫全書	銅人鍼灸經	氣唾膿不得下食胃中氣滿如塞禁穴不可針針不 幸令人死	中庭一穴在亶中下一寸六分陷中任脈氣所發主胃 脇支滿心下滿食飲不下嘔逆吐食還出灸五壯針 入三分	巨骨一穴在心脾骨頭不可日灸三壯至七壯主驚癇 破心吐血禁針針則倒懸一食頃然後乃可下針針 入四分瀉之勿補針出始得正坐忌酒麵熱食猪魚
---	---	---	-------	------------------------------	--	---



生冷物

雲門二穴在巨骨下氣戶兩傍各二寸陷中動脈應手
舉臂取之山眺經云在人迎下第二骨間相去二寸
三分足太陰脈氣所發治嘔逆氣上膈脇徹背痛通
灸禁針理肺同藥療之針深令人氣逆

少商者木也在手大指端側去爪甲角如韭葉白肉際
宛宛中手大陰脈之為井也針入一分主不能食腹
中氣滿喫食無味宜針不宜灸以三稜針刺之血出

欽定四庫全書

銅人鍼灸經

勝氣之所以勝氣針者此脈脹腮之候腮中有氣人
不能食故刺出血以宣諸藏睽也忌冷熱食

魚際二穴者火也在手大指節後內側散脈中手太陰
之所流為營也主虛熱洒洒毛豎惡風寒舌上黃身
熱咳嗽喘痺走背膈不得息頭痛甚汗不出熱煩心
少氣不足以息陰痒腹痛不下食時欒支滿喉中焦
乾渴瘞上氣熱病寒栗鼓頷腹滿陰癭色不變肺心
痛牽引尻溺出膈中虛食飲嘔身熱汗出重嘔吐血




分 日泣出短氣心痺悲怒逆氣任惕胃氣逆也針入二	欽定四庫全書 銅人鍼灸經	銅人鍼灸經卷二
---------------------------	-----------------	---------



欽定四庫全書

銅人鍼灸經卷三



神庭一穴在髮際直鼻上督脉上一寸髮際是也足太

欽定四庫全書

銅人鍼灸經

陽陽明之會主治腫氣風癩顛風不識人羊鳴角弓

反張披髮而上歌下哭多學人言語驚悸不得安寢

禁不可針日灸七壯至百壯若針即發於其病在舉

火之時忌猪羊魚肉酒麵熟食

曲差二穴在神庭傍一寸半髮際足太陽脉氣所發主

心中煩滿汗不出頭項痛身熱目視不明針入三分

灸三壯

臨泣二穴在目上眥入髮際五分陷者中足太陽少陽



之會主卒不識人風眩鼻塞針入三分留七呼
眉冲二穴一名小竹在當兩眉頭直上入髮際理目五
般癩頭痛鼻塞不宜灸針入三分
水溝一穴在鼻柱下人中督脉手陽明之會主療消渴
飲水無多少水氣偏鼻腫失笑無時即顛癩語不識
人乍喜乍哭牙關不開面腫唇動葉葉肺風狀如虫
行針入四分徐徐出之灸亦得然不如針若是水氣
唯有此穴可針若針他穴水盡即死

欽定四庫全書

銅人鍼灸經

承漿一穴在頤前下唇下足陽明之會主偏風口喎面
腫消渴面風口不開口中生瘡針入三分半然後徐
徐引氣而出灸亦任日灸七七壯若頻灸恐足陽明
脈斷令風不差若停息復灸令其風通宣應時立愈
其艾炷依小竹筋頭大作之但令當脉灸之雀糞大
亦能愈疾又有一途如脉内疝瘕痞塊伏梁氣之
徒唯須大艾炷故小品曰腹背爛燒四支則但除風
邪而已如鳩尾以至頭皆不可多灸及不可用大艾



俞府二穴在巨骨下去璇璣傍各二寸陷中足太陽脉 氣所發主欬逆上氣喘嘔吐胃滿不得食仰卧取之 灸五壯針入三分
或中二穴在俞府下一寸六分陷中仰卧取之足少陰 脉氣所發主腎脇支滿欬喘不得息嘔吐胃滿不能 食灸五壯針入三分
神藏二穴在或中下一寸六分陷中仰而取之足少陽 欽定四庫全書 銅人鍼灸經
脉氣所發主胃脇支滿咳嗽不得食針入三分灸五 壯
靈墟二穴在神藏下一寸六分陷中仰而取之足少陽 脉所發主胃脇支滿引胃不得息嘔吐胃滿不得食 針入三分灸五壯
神封二穴在靈墟下一寸六分主胃滿不得息咳逆乳 癰洒浙惡寒灸五壯針入三分
步郎二穴在神封下一寸六分陷者中仰取之足少陰



睛明二穴在目內眥頭上畔者中手足太陽陽明之會
主膚翳白膜覆童子眼暗雀目冷尿 現眼視物不
明努肉針入一分半不宜灸

迎香二穴在和 上一寸鼻下孔傍手足陽明之會針
入三分主鼻息不聞香臭偏風面痒及面浮腫風葉
葉動狀如虫行刺或在唇動不宜灸

承泣二穴在目下七分直目童子中蹻脈任脈足陽明
之會主療現眼喎目不正口喎目瞶面動葉葉然牽

欽定四庫全書

銅人鍼灸經

口眼熱疼赤痛目視眈眈冷泪眼臉赤針入四分半
不宜灸若灸尤問多少三日以後眼下大如拳息肉
日加長如桃許至一月日如五升大

鳩尾一穴在臆前巨骨下五分主心驚煩發狀如烏烏
破心吐血心中氣悶不喜聞人語心痛腹脹宜針雖
然此處最難針須是大好手方可下針如不然取氣
多不幸令人死針入三分

巨闕一穴心之募在鳩尾下一寸任脈氣所發主療心



中煩悶熱風風癩浪言或作鳥聲不能食無心力凡
心痛有數種冷痛蛔虫毒霍亂不識人針入六分得
氣即瀉灸亦良

上管一穴在巨闥下一寸去巨骨三寸任脈足陽手太
陽之會主心中熱煩賁豚氣脹滿不能食霍亂心痛
不可眠卧吐利心風驚悸不能食心中悶發噦伏梁
氣狀如覆杯針入八分得氣先補而後瀉之可為神
驗若是風癩熱痛宣瀉之後補可為應其病灸亦良

欽定四庫全書

銅人鍼灸經


中管一穴一名太倉是胃之募在上管下手太陽少陽
足陽明所生任脈之會主治心匿不能食反胃霍亂
心痛熱溫虐瘧虐天行傷寒因讀書得奔豚氣心悶
伏梁氣如覆杯冷結氣針入八分灸亦良

建里一穴在中管下一寸治腸中疼痛嘔逆上氣心痛
身腫針入一寸三分灸亦良

下管一穴在建里下一寸足太陰任脈之會主腹胃不
調腹內痛不能食小便赤腹堅硬癰塊脈厥厥動針



入八分灸亦佳



欽定四庫全書

銅人鍼灸經

神聰四穴在百會四面各相去同身寸一寸理頭風目

眩狂亂風癇左手如花右手如果針入三分

明堂一穴在鼻直上入髮際一寸理頭風多鼻涕鼻塞

三日一報針入三分

當陽二穴在當童人直上入髮際一寸理卒識人風眩

鼻塞入針三分

前關二穴在目後半寸亦近太陽之穴理風赤眼痛頭

目眩目澁針入三分



四白二穴在目下一寸足陽明脉氣所發主頭痛目眩
針入三分灸七壯

巨闕二穴在鼻孔下俠水溝傍躄脉足陽明之會主治

面風寒鼻頻準音上腫癰痛招搖視占瘰癧口噤針入

三分灸七壯止

地倉二穴在俠口傍四分外如近下有脉微動者是躄

脉手陽明之交主療大患風者其脉亦有動時亦有

不動時多主偏風口喎灸音不言不得飲水漿食漏

欽定四庫全書

銅人鍼灸經

落脉暈動患左針右患右針左針入三分半灸亦得

日二七壯其艾壯如麤釵脚忌毒物及行房事

廉泉一穴在領下結喉上舌本間陰維任脉之會主舌

下腫難言舌癰設多咳嗽少氣喘息嘔沫禁斷灸三

壯針入三分

陰交一穴在臍下一寸任脉氣所發主臍下熱小便赤

氣痛狀如刀攪作塊狀如覆杯婦人斷緒月事不調

帶下崩中因產後惡露不止繞臍冷痛針入八分得



氣即瀉瀉後宜補灸亦得然不及針

水分一穴在管下臍上一寸任脈氣所發主腹痛不能
食腸堅腹痛胃管不調堅硬針入八分若是水病灸
之大良

巨闕一穴甲乙經云一名利機一名精露一名丹田一
名命門在臍下二寸是三焦之募任脈氣所發針入
八分主腹痛堅硬婦人因產惡露不止遂成結塊崩
中斷緒灸亦良

欽定四庫全書

銅人鍼灸經

關元一穴是小腸募一名次門在臍下三寸足三陰任
脈之會臍下疝痛小便赤淋不覺遺瀝小便處痛狀
如散火尿如血色臍下結血狀如覆杯婦人帶下因
產露不止并婦人斷緒產道冷針入八分若懷胎必
不針若針必落胎胎多不出而針外崑崙即出灸亦
良然不及針

中極一穴一名玉泉一名氣原在關元下一寸是膀胱
募任脈足三陰之會主婦人斷緒四度針針即有子




銅人鍼灸經卷三								欽定四庫全書	銅人鍼灸經						結成塊針入八分灸亦得然不及針	故却時任針也主淋小便赤尿道痛臍下結塊如覆	杯或因產得惡露不止遂成疝瘕或因月事不調血
---------	--	--	--	--	--	--	--	--------	-------	--	--	--	--	--	----------------	----------------------	----------------------



欽定四庫全書

銅人鍼灸經卷四



後頂一穴在百會後一寸半枕骨上是督脈氣所發針入

欽定四庫全書

銅人鍼灸經

四分灸五壯主風眩目視眈眈額顙上痛

強間一穴在後頂後一寸半一名大羽是督脈氣所發

主頭如針刺不可以動項如拔不可左右顧視灸五

壯針入二分

腦戶一穴在枕骨上強間後一寸半一名仰風一名會

顙是督脈足太陽之會主目痛不能視面赤腫頭痛

不得灸灸令人失瘖針入三分

瘖門一穴一名舌厭在項後入髮際宛宛中入係舌本



<p>是督脉陽維之會仰而取之主頭風腦疼失瘖不能 言舌急項強不能回頭針入八分徐徐出之不宜灸 灸即令人啞忌如前法問曰舌急不言如何治答曰 急針瘖門舌緩針風府得氣即瀉可小繞針入八分 忌灸</p>	<p>大推一穴第一推上陷者中宛宛是主三陽督脉之會 療五勞七傷温瘧症□膊悶項強不得四顧針入五 分灸亦得</p>	<p>欽定四庫全書 銅人鍼灸經</p>	<p>陶道一穴在大推節下間俛而取之督脉足太陽之會 主頭重目暝洒淅寒熱脊強以頭汗不出也灸五壯 針入五分</p>	<p>身柱一穴在第三椎節下間督脉氣所發灸五壯主顛 疾癩癧怒欲殺人身熱狂走讖言見鬼針入五分 神道一穴督脉氣所發在第五椎節下間俛而取之主 寒熱頭痛進退往來痲瘧恍惚悲愁灸入三壯針入 五分</p>
---	--	-------------------------	--	--



至陽一穴在第七椎節下間俛而取之督脉氣所發主 寒熱解爛淫樂脛酸四支重痛少氣難言灸三壯針 入五分	筋縮一穴在第九椎節下間俛而取之督脉氣所發主 驚癇狂走顛疾脊急強目轉上垂灸三壯針入五分	脊俞一穴一名神宗一名脊中在第十一椎中中央督 脉氣所發治風癇顛邪温病積聚下利忌灸針入五 分	欽定四庫全書 銅人鍼灸經	懸區一穴在第十二椎下節間是穴督脉氣所發主腰 脊強腹中上下積氣針入三分灸三壯	命門一穴一名屬累在第十四椎下節俛而取之督脉 氣所發主頭痛如破身熱如火汗不出瘕瘕裏急腰 腹相引痛針五分	腰俞一穴一名背解一名髓孔一名腰尸在第二十一 椎節下陷者宛宛中是挺腹地舒身兩手兩重支額 縱四體然後乃取其穴是督脉氣所發也主腰髁疼
--	---	--	-----------------	--	--	---



<p>痛腰脊强强二不得回轉温瘧痲嗽針入八分灸亦 得慎房事不得擎重物甲乙經云針入五分灸三壯 長強一穴一名氣之陰郄督脉絡在窮骨下宛宛中是 甲乙經穴在脊骶端少陰所結主下漏五痔瘡蝕下 部慝針入三分然鍼之以痛為度其穴伏地取之乃 得灸亦得然不及針慎房事此痔根本是冷慎冷</p>	<p>欽定四庫全書</p> <p>銅人鍼灸經</p>		
---	----------------------------	--	--



	<p>天柱二穴在俠項後髮際大筋外廉陷者中足太陽脉</p> <p>欽定四庫全書</p> <p>銅人鍼灸經</p>	<p>氣所發針入二分主頭風目如脫項如拔項疼急重</p> <p>先瀉而後補之灸亦得然不及針</p>	<p>玉枕二穴在絡却後七分半俠腦戶傍一寸三分起肉</p> <p>枕骨上入髮際三寸足太陽脉氣所發針入三分灸</p>	<p>三壯主目內攣絲急痛風眩目痛頭寒多汗耳聾鼻</p> <p>塞</p>	<p>風池二穴者是足少陽陽維之會在項後髮際陷中甲</p> <p>乙經云風池穴在顛顛後髮際陷中針入一寸二分</p>
--	---	--	--	--------------------------------------	--



大患風者先補而後瀉少可患者以經取之主肺風 面赤目視眈眈項強不得回顧面腫皮軟腦疼痛灸 亦良然不及針問曰如後髮際亦有項脚長者其毛 首至頭骨亦有無項脚者毛齊至天牖穴即無毛根 何而取穴也答曰其毛不可輒定大約如此若的的 定中府正相當即是側相去各二寸此之定穴	顛息二穴在耳後青脉間主身熱頭痛不可反側小兒 癩喘不得息耳聾針入一分不得多出血血多即殺	欽定四庫全書	銅人鍼灸經	人灸三壯	完骨二穴在耳後入髮際四寸足太陽少陽之會主風 眩項痛頭強寒熱灸即依年壯針入二分	大杼二穴在項後第一椎下兩傍各一寸半陷中足太 陽手少陽之會理風勞氣咳嗽氣急頭痛目眩腹痛 針入五分禁灸	風門熱府二穴在第二椎下兩傍一寸半督脉足太陽 之會理傷寒項強目瞑鼻塞風勞嘔逆上氣脅痛背
--	---	--------	-------	------	---	---	---



痛氣短不安針入五分灸五壯

肺俞二穴在第三椎下兩傍相去一寸半理顛癩瘦氣
上氣吐逆支滿脊強寒熱不食肉痛皮痒傳屍骨蒸
肺嗽針入三分

厥陰俞二穴在第四椎下兩傍相去同身寸一寸半理
逆氣嘔逆牙痛留結曾悶針入三分

心俞二穴在第五椎下兩傍各一寸半理心中風狂癩
心氣亂語悲泣心腹煩滿汗不出結聚寒痛嘔逆不

欽定四庫全書

銅人鍼灸經

食食即吐血目痛不可灸針入三分

督俞二穴在第六椎下兩傍相去同身寸一寸半一名

高蓋主理寒熱腹中痛雷鳴氣逆心痛灸三壯禁針

鬲俞二穴在第七椎下兩傍各一寸半理心痛痰飲吐


逆汗出寒熱骨痛虛脹支滿痰癰瘕癖氣塊隔上痛

喉痺身常溫不食切痛針入三分

肝俞二穴在第九椎下兩傍合一寸半理口乾中風支

滿短氣不食食不消吐血目不明閉塞腰痛肩疼寒



壯	氣所發主水穀不消腹脹腰痛吐逆針入三分灸三	三焦俞二穴在第十三椎下兩傍各一寸半足太陽脉	腹脹不能食針入二分灸三壯	胃俞二穴在第十二椎下兩傍各一寸半理煩滿吐食	針入三分灸三壯	腹肚洩利身重四支不收黃疸邪氣積聚腹病寒熱	脾俞二穴在第十一椎下兩傍一寸半理腰身黃脹滿	欽定四庫全書 銅人鍼灸經	
---	----------------------	-----------------------	--------------	-----------------------	---------	----------------------	-----------------------	-----------------	--



腎俞二穴在第十四椎下兩傍各一寸半與臍對理虛勞耳聾腎虛及水藏脹攣急腰痛小便濁陰中疼血精出五勞七傷冷嘔脚膝拘急好獨卧身腫如水針入三分灸三壯
氣海俞二穴在第十五椎下兩傍同身寸相去一寸半理腰痛痔病瀉血灸三壯
大腸俞二穴在第十六椎下兩傍各一寸半理腰痛腸鳴脹滿遶臍中痛大便下利或洩利食不化脊骨強
針入三分灸三壯
關元二穴在第十七椎下兩傍相去同身寸一寸半理風勞腰痛洩利虛脹小便難婦人瘦聚諸疾針入三分
小腸俞二穴在第十八椎下兩傍各一寸半理大便赤澀小便緊急脚腫短氣不食煩熱疔病大便膿血出食痔疼痛婦人帶下針入三分灸三壯
膀胱俞二穴在第十九椎下兩傍相去同身寸一寸半

欽定四庫全書

銅人鍼灸經



<p>理風勞腰痛洩利腸痛大小便難尿赤陰生瘡少氣 足脛冷拘急不得屈伸女人瘦聚針入三分灸三壯 中膺俞二穴在第二十椎下兩傍相去同身寸一寸五 分一名脊內俞是少陰脈理理赤白痢虛渴汗出腰 不得俯仰腹脹脇痛針入三分</p>	<p>白環俞二穴在第二十一椎下兩傍相去同身寸一寸</p>	<p>半足太陽脈氣所發理腰脊攣急痛大小便不利百</p>	<p>病針入三分甲乙經甄權經云挺腹地端身兩手相</p>	<p>欽定四庫全書 銅人鍼灸經</p>	<p>重支額縱氣息令支肉俱緩乃取其穴針入八分主 腰髖疼不遂溫虐腰中冷不識眠睡勞損風虐忌灸</p>		<p>銅人鍼灸經卷四</p>
--	------------------------------	-----------------------------	-----------------------------	-------------------------	--	--	----------------



欽定四庫全書

子部
銅人鍼灸經卷
七五至

詳校官太醫院吏目臣吳尊燮

編修臣倉聖脈覆勘

總校官知縣臣楊懋珩


校對官編修臣沈清藻

謄錄監生臣施華



欽定四庫全書

銅人鍼灸經卷五



竅陰一穴在完骨上枕骨下足太陽少陽之會主骨疽

欽定四庫全書

銅人鍼灸經

發厲頭痛引頭也灸五壯針入三分

浮白二穴在耳後入髮際一寸足太陽之會主寒熱喉

痺效逆疝積脅中滿不得喘息脅痛耳聾嘈嘈無所

聞頸項癰腫不能言及癭肩不舉也針入三分灸三

壯

附分二穴在第二椎下附項內廉兩傍各三寸手足太

陽之會主背痛引領灸五壯針入三分

翳戶二穴在第三椎下兩傍各三寸宛宛中正坐取之



足太陽脈氣所發主背脾悶無氣力勞損痿黃五尸
走疰項強不得回顧針入五分灸亦得

神堂二穴在第五椎下兩傍各三寸陷者中正坐取之

足太陽脈氣所發主肩痛脅腹滿洒淅反脊強急灸

五壯針入三分

譙譙二穴在肩膊內廉第六椎兩傍三寸其穴抱肘取

之足太陽脈氣所發因以手痛按之病者言譙譙針

入六分主溫瘧寒寒病病背悶氣滿腹脹氣眩灸二

欽定四庫全書

銅人鍼灸經

七壯忌葱白酒

膏肓俞二穴主無所不療羸瘦虛損夢中失精上失氣



效逆狂或妄誤取穴之法令人正坐曲脊伸兩手以

臂著膝前令正直手大指與膝頭齊以物支肘勿令

臂得動也從甲骨上角摸索至骨下頭其間當有四

肋三間灸中間依胛骨之裏去胛骨各容指許摩服

去表肋間空處按之自覺牽引於肩中灸兩胛中一

處至六百壯多至千壯當覺下


然流水之狀亦



當有所下出若得痰疾則無所不下也若病人已困不能正坐當令側卧俛上臂令前取穴灸之求穴法大校以右手從左肩上住指頭所不及者是也左亦然乃以前法灸之若不能久坐當伸兩臂令人俛兩胛骨俠相離不爾肘骨覆穴不可得也所伏衣襟當令大小有常定不爾則失其穴也此灸訖後令人陽氣康盛當消息以自補養當取身體平復其穴近第五椎望取之也論曰昔在和緩不救晉侯之疾以其在膏之上育之下針藥所不能及即此之穴是也人不能求得此穴所以宿病難追若能用心此方便求得灸之無疾不愈

欽定四庫全書

銅人鍼灸經

鬲關二穴在第七椎下兩傍各三寸陷者中正坐取之足太陽脉氣所發主背痛惡寒脊強俛難食不下嘔噦多涎睡也灸五壯針入五分

臑門二穴在第九椎下兩傍各二寸陷者中正坐取之足太陽脉氣所發主食飲不下腹中雷鳴大便不節



小便赤黃也灸三壯針入五分

陽綱二穴在第十椎下兩傍各三寸正坐取之足太陽
脈氣所發主食不下腹中雷鳴大小便不節黃水灸
三壯針入五分

意舍二穴在第十一椎兩傍各三寸正坐取之足太陽
脈氣所發主腹滿虛脹大便洩滑消渴面黃灸五十
壯甲乙經灸三壯針入五分

胃倉二穴在第十二椎下兩傍各三寸主腹內虛脹水
欽定四庫全書
銅人鍼灸經

食不消惡寒不能俛仰針入三分灸五壯

盲門二穴在第十三椎下兩傍各三寸異經云與鳩尾
相直主心下育大堅婦人乳有餘疾灸三十壯針入
五分


志堂二穴在第十四椎下兩傍各三寸正坐取之是太
陽脈氣所發針入五分灸三壯主腰脊痛急食不消
腹中堅急陰痛下腫並療之

胞育二穴在第十四椎下兩傍各三寸陷者中伏而取



<p>之足太陽脈氣所發主腰痛急食不消腹中堅急 陰痛下腫並療之療惡氣腰背卒痛灸五七壯甲乙 經灸三壯針入五分</p> <p>秩邊二穴在第二十椎下兩傍各三寸伏而取之足太 陽脈氣所發主腰痛不能俛仰小便赤黃尻重不能 舉灸三壯針入三分</p>	<p>欽定四庫全書</p> <p>銅人鍼灸經</p>		
---	----------------------------	--	--



<p>下關何以不得久留針答曰上關若深令人得欠不</p>	<p>關不得深下關不得久留針問曰上關何以不得深</p>	<p>七壯艾炷如筋頭大必須側卧張口取穴避風又上</p>	<p>嚼食鳴偏風眼喎通睛耳聾狀如蟬聲針入一分灸</p>	<p>名上關足陽明之會主目風牙疼痛車不開口噤</p>	<p>客主二穴在耳前上廉起骨開口有穴動脉宛宛中一</p>	<p>急耳鳴好嚏頸痛</p>	<p>入三分灸三壯主風眩目無所見偏頭痛引目外眥</p>	<p>欽定四庫全書 銅人鍼灸經</p>	<p>領厭二穴在曲踈顛顛上廉手足少陽陽明之交會刺</p>	
-----------------------------	-----------------------------	-----------------------------	-----------------------------	----------------------------	------------------------------	----------------	-----------------------------	-------------------------	------------------------------	--



得故目隨針□下關不得久留針者得故不得欠牙
關急是故上關不得深下關不得久留針

懸顛二穴在曲周顛顛中足陽明脉氣所發主熱病偏
頭痛引目外内身熱煩滿汗不出齒痛面皮赤痛針

入三分灸三壯

肩井二穴在肩上陷罅中缺盆上大骨前一寸半以三
指按之當其中指下陷者中是穴一名膊井手足少
陽陽維之會主五勞七傷頭項不得回顧背膊悶兩

欽定四庫全書

銅人鍼灸經

手不得向頭或因馬拗傷腰髓疼脚氣入針四分不
宜灸針不得深深即令人悶甲乙經云針只可五分
此膊井脉足陽明之會乃連入五臟氣若深便引五
臟之氣乃令人短壽大肥人亦可倍之若悶倒不識
人即須三里下氣雖不悶倒但針膊井即須三里下
氣大良及婦人懷胎落訖覺後微損手足苦者針肩
井手足立差若有灼然解針者遣針不解針者不可
遣針灸乃勝針日灸七壯若針肩井必三里下氣如



不灸三里即拔氣上其針膊并出甄權經

扁鵲二穴在膊骨頭肩端兩骨間陷者宛宛中是平手
足其穴手陽明躄脈之會針入八分主療偏風半身
不遂熱風疹風曾俛仰風刺風風虛手不得上頭捉
物不得挽弓不開臂細無力酸疼臂冷而緩患刺風
者百日刺筋百日刺骨方可得瘳灸亦得然不及針
還以平手取其穴日灸七壯差為度

臂臑二穴在肩髃下一寸兩筋間兩骨罅陷者宛宛中

欽定四庫全書

銅人鍼灸經

宜灸不宜針日灸七壯主療勞瘵臂細無力手不得
向頭其穴平手取之不得擎手令急其穴即閉若針
不得過三五過多生惡

曲池二穴者木也在肘外輔骨曲肘橫文頭宛宛中陷
者是手陽明脈之所入為合也手拱曾取之外畔文
頭即是療偏風半身不遂刺風疹疼痛冷緩捉物不
得挽弓不開屈伸難引脈風臂肘細而無力針入七
分灸亦良但令斷風抽氣而已



通谷二穴在夾上管兩傍相去三寸冲脈足少陰之會
治乾嘔又無所出又治勞食欲高結針入五分灸五
壯
章門二穴一名長平一名脇廓是脾之募在大橫外直
臍季肋端必須側卧令伸下脚縮上脚乃得穴足厥
陰少陽之會主膀胱氣癖疝瘕氣膀胱氣痛狀如雷
聲積聚氣針入六分灸亦良
伏兔二穴在膝上六寸起肉正跪坐取之足陽明脈氣
欽定四庫全書
銅人鍼灸經
所發治風勞痺逆狂邪膝冷手節攣縮身隱疹腹脹
少氣婦人八部諸病針入三分禁灸
陰市二穴一名陰鼎在膝上三寸伏兔下是穴足陽明
脈氣所發主寒疝下至腰脚如冷水小腸諸疝按之
在膝上伏兔下寒疝腹脹滿痿厥少氣針入三分灸
三壯
犢鼻二穴在膝臏下骭俠罇大筋中足陽明脈氣所發
主犢鼻腫洗熨去之其久堅勿攻攻者死膝中痛不



仁難跪起諸腫節潰者死不潰可療針入三分灸三壯	委中二穴者土也在膈中央約文中動脈甄權云在曲	腓內兩筋兩骨中宛宛是足太陽脈氣之所入為合也令人面挺腹地而取之主脚弱無力風濕痺筋急	半身不遂灸不及針針入八分灸三壯	三里二穴者土也在膝下三寸筋外廉陷者宛宛中是足陽明脈之所入為合也主腰滿堅塊不能食胃氣	不足反胃胃脇積氣脚弱針腹背每須取三里穴入八分灸亦良		銅人鍼灸經卷五
-----------------------	-----------------------	--	-----------------	---	---------------------------	--	---------

欽定四庫全書

銅人鍼灸經



<p>天牖二穴在頸筋缺盆上天容後天柱前完骨下髮際上一寸陷者宛宛中手少陽氣所發主頭風面腫項強不得回轉夜夢顛倒面青黃無顏色針入五分不宜灸若灸面腫滿合先取諵譎後針天牖風池其病即差</p>	<p>天府二穴在兩腋下三寸宛宛中手太陰脉氣所發主頭眩目暝遠視眈眈針入四分灸入七壯不除再灸百壯甲乙經禁灸</p>	<p>欽定四庫全書 銅人鍼灸經</p>	<p>曲澤二穴者水也在肘内廉下陷者中屈肘得之手心主脉之所入為合也主心痛出穴則心下澹澹喜驚身熱煩心口乾逆氣嘔血時瘕癥言搖頭青汗出不過肩傷寒病温温身熱口乾灸三壯針入三分</p>	<p>少海二穴者水也一名曲節手少陰脉之所入為合也在肘内横文頭屈手向頭取之陷者宛宛中甲乙經云穴在肘内廉節後陷者中動應手療腋下瘰癧痺疼屈伸不得風痺疼疰病針入三分禁灸</p>
--	---	-------------------------	--	--



巨虛上廉二穴在三里三寸兩筋兩骨罇間陷者宛宛
中足陽明與太陽合針入八分主大腸氣不足偏風
腰腿脚不隨不得履地脚氣刺風癱風脚冷寒瘧灸
之太良

條口二穴在上廉下一寸陽明脉氣所發主脛寒不得
卧疼痛足緩失履濕痺足下熱不能久立針入八分
灸三壯

巨虛下廉二穴足陽明與小腸合在上廉下三寸兩筋

欽定四庫全書

銅人鍼灸經

兩骨罇陷者宛宛中蹲地坐而取之針入六分又針
入三分灸三壯主小腸氣不足面無顏色偏風熱風
冷痺不遂風濕痺灸亦良不及針灸瘡差冷痺即已
承山二穴一名魚腹山一名傷山在兌端腸下分肉間
陷者中定腹取之主脚弱無力脚重偏風不遂針入
八分灸亦得

上崑崙二穴者火足太陽脉之所行為經也在外踝後
跟骨上陷者中治惡血風氣腫痛脚腫水針入五分



灸三壯

下崑崙二穴一名內崑崙在外踝下一寸大筋後內陷
骨宛宛中主刺風 風熱風冷痺腰疼偏風半身不
遂脚重疼不履地針入四分灸之亦良其穴蹲地旁
引刺之灸百壯止

欽定四庫全書

銅人鍼灸經



失瘡腫痛惡血針入三分灸亦得	孔最二穴在腕上七寸手太陰郄治熱病汗不出吐血	盆中痛汗出喉痺咳嗽灸三壯針入三分	熱癰癰缺盆中腫外潰不死曾中熱滿腹大小氣缺	缺盆上二穴肩上橫骨陷中一名天蓋肩上是穴主寒	噉嘈彈鳴及心腸滿臂痛失聲	三脉之會針入一分灸三壯主耳聾填如無所聞噉	聽宮二穴在耳中珠子大如赤小豆形足少陽手太陽	欽定四庫全書 銅人鍼灸經	
---------------	-----------------------	------------------	----------------------	-----------------------	--------------	----------------------	-----------------------	-----------------	--



列缺二穴在腕上一寸半交叉頭兩筋兩骨罅宛宛中	手太陰絡主療偏風口喎半身不遂針入三分灸亦	得若患偏風灸至一百壯若患腕勞灸至妙	經渠二穴者金也在寸口中陷者中手太陰脉之所行	為經也主寒熱脅背急痛脅中膨膨痛喉痺掌中熱	主咳逆上氣喘數久熱病汗不出暴瘧喘逆心痛欲	嘔針入三分不可灸即傷人神	少冲二穴者木也一名經如在手小指內廉之端去甲	欽定四庫全書	銅人鍼灸經	如韭葉手少陰脉之所出為井也主熱病煩心上氣	心痛冷煩滿少氣悲恐喜驚掌熱肘腋脅中痛口中	熱咽中酸乍寒熱手拳不伸掌痛引腋針入一分灸	一壯	勞宮二穴者火也一名五里在掌中央橫文動脉中以	屈無名指頭着處是手中主脉之所流為營也主手	掌後瘧痺手痺白屑起針入二分只過一度如過兩	度令人虛不得灸灸即生息肉
-----------------------	----------------------	-------------------	-----------------------	----------------------	----------------------	--------------	-----------------------	--------	-------	----------------------	----------------------	----------------------	----	-----------------------	----------------------	----------------------	--------------



髀關二穴在膝上伏兔後交分中主脉寒不仁痺痿不
屈伸也灸三壯針入三分

梁丘二穴足陽明郄在膝上三寸兩筋間治大驚脛痛
冷痺膝痛不能伸屈針入五分

隱白二穴者木也足大指端內側去爪甲角如韭葉宛

宛中足太陰脉之所出為井主腹中有寒熱起氣喘

衄血不止腹中脹逆脛中寒熱不得卧氣滿胃中熱

暴洩鬲中嘔吐不欲食飲渴尸厥不知人脉動如渴

欽定四庫全書

銅人鍼灸經

飲身體疼痛唾也針入一分灸三壯

承筋二穴一名踰腸一名直腸在脛後從脚跟後上七

寸踰中央陷者中足太陽脉氣所發治風勞熱足煩

腫痛轉筋急痛身隱疹大小便不止針入三分

陽蹻二穴在外踝前一寸陷者宛宛中治脚氣腎氣婦

人血氣針入三分

陰蹻二穴在足內踝陷者中宛宛是卒疝小腹痛病者

左取右右取左立已女子不月水驚喜悲不樂如墮



<p>墜汗出面黑病饑不欲食婦人淋瀝陰挺出四支淫 溼心悶暴虐及諸淋目痛小腹偏痛嘔逆嗜卧偏枯 不能行大風暴不知人卧驚視如見星尿如黃水小 腹熱咽乾也灸三壯針入三分</p>		<p>欽定四庫全書</p> <p>銅人鍼灸經</p>				
---	--	----------------------------	--	--	--	--



<p>得帶衣灸三壯針入三分</p>	<p>清冷淵二穴在肘上二寸伸肘舉臂取之主肩不舉不</p>	<p>眩瞽灸三壯針入一分</p>	<p>後痛小兒驚癇癩癧嘔吐洩注驚恐失精視瞻不明</p>	<p>瘰癧二穴一名資脈在耳內雞足青脈是穴主頭風耳</p>	<p>能言噤痛足不仁狂走欲自殺目反妄視</p>	<p>入三分主頭項急不可傾側目眩鼻塞不得息瘡不</p>	<p>疾言其肉立起言休立下督脈陽維之會不可灸針</p>	<p>欽定四庫全書 銅人鍼灸經</p>	<p>風府一穴本在項後入髮際一寸大筋上宛宛中起肉</p>	
-------------------	------------------------------	------------------	-----------------------------	------------------------------	-------------------------	-----------------------------	-----------------------------	-------------------------	------------------------------	--



消灤二穴在肩下外關腋針肘分下行主寒熱風痺頭
痛頭背急針入六分灸三壯

肩外俞二穴在肩脾上廉去脊三寸陷者中主肩甲痛
熱而寒至肘灸一壯針入六分

曲垣二穴在肩中央曲甲陷者中按之應手痛是穴主
肩痛周痺灸三壯針入九分

二間一穴者水也一名間谷在手太指次指本節前內
側陷者中手陽明脈之所流為營也主喉痺多卧喜

欽定四庫全書

銅人鍼灸經

睡肩髃喉痺咽如背物傷忽振寒針入三分灸三壯

三間二穴者木也一名少谷在手大指次指本節之後

內側陷者中手陽明脈之所注為俞也主喉痺咽如

骨鯁齒齩痛多卧喜睡曾滿腹鳴虛寒熱唇口乾身

熱喘息目急痛針入三分

少澤二穴者金也一名少吉在手小指端去爪甲下一

分陷者中手太陽脈之所出為井也主虐寒熱汗不

出頭痛咳嗽癭瘰口乾頭痛不可顧也針入一分灸



一壯

前谷二穴者水也在手小指外側本節前陷者中手太陽脉之所流營也刺入一分灸三壯主目眩淫淫轉甲小指痛

陽谷二穴者火也在手外側腕中兌骨之下陷者中手太陽脉之所行為經也主顛疾狂走熱病汗不出脇痛頸腫寒熱耳聾耳鳴牙齒齩痛臂腕外側痛不舉吐舌戾頸妄言不得左右顧俛瘦癡頭眩眼痛針入

欽定四庫全書

銅人鍼灸經

二分灸三壯

飛陽二穴一名厥陽足太陽絡在外踝上七寸別走少陰者刺入三分灸三壯主頭眩目痛

束骨二穴者木也在足小指外本節後陷者中足太陽脉之所注為俞也刺入三分灸三壯主頭痛目眩身熱肌肉動

湧泉二穴者木也一名地冲在足心陷者中屈足捲指宛宛中足少陰脉之所出為井也主小便不利心中



銅人鍼灸經卷六								欽定四庫全書	銅人鍼灸經					分留三呼瀉五吸主膝冷疼痛不已禁灸	膝眼四穴在膝頭骨下兩傍陷者宛宛中是穴針入五分	然不及針者灸廢人行動不可傳之於後針入五分	結熱脚底白肉際不得履地刺風脈風風癩灸亦得
---------	--	--	--	--	--	--	--	--------	-------	--	--	--	--	------------------	------------------------	----------------------	----------------------



欽定四庫全書

銅人鍼灸經卷七

針灸吉日

丁卯 庚午 甲戌 丙子 壬午 甲申 丁亥

辛卯 壬辰 丙申 戊戌 己亥 己未 庚子

辛丑 甲辰 乙巳 丙午 戊申 壬子 癸丑

乙卯 丙辰 壬戌 丙戌

以上並吉又宜用除日破日開日天鑿要安並吉

欽定四庫全書

銅人鍼灸經

針灸忌日

丁丑及白虎血忌血支月厭月殺月刑死別獨火凶

又男忌除日女忌破日

十干日不治病

甲不治頭 乙不治喉 丙不治肩 丁不治心


戊己不治腹 庚不治腰 辛不治膝 壬不治脛

癸不治足

十干日不針灸



推尻神起例圖




欽定四庫全書

銅人鍼灸經

此神農所制一歲起坤二歲震逐年順飛九宮周而復
 始行年到處則所主敗體切忌針灸如誤犯之必致喪
 命或發癰疽宜速治之



推九部人神圖



欽定四庫全書

銅人鍼灸經

一歲起臍二歲心逐歲順行周而復始行所值處忌針灸
所錄見明堂經

推四時大乙所在

云六腑鬲下三藏應四季中州其有戊巳日

大禁大乙所在忌針灸

左足 應立春日其日戊子己丑 左脅 應春分其日乙卯

左手 應立夏日戊辰己巳 頭一 應夏至其日丙午

右手 應立秋日戊申己未 右脅 應秋分其日辛



十二在髮際少陽分針之耳重聽	十三在牙齒少陰分針灸之氣寒	十四在胃腕陽明分針之氣脹	十五在遍身不補不瀉大忌針灸	十六在脅太陰分針之遞息	十七在氣衝陽明分針之難息	十八在股內少陰分針之引陰氣痛	十九在足陽明分針之發腫	<p>欽定四庫全書</p> <p>銅人鍼灸經</p>	二十在內踝少陰分針之經脉亦手	二十一在手小指太陽分針之手不仁	二十二在外踝少陽分針之筋經緩	二十三在肝及足厥陰分針之發轉筋	二十四在手陽明分針灸咽中不利	二十五在足陽明分針之胃氣脹	二十六在脅太陽分針灸之令人喘嗽	二十七在膝陽明分針之足經厥逆
---------------	---------------	--------------	---------------	-------------	--------------	----------------	-------------	----------------------------	----------------	-----------------	----------------	-----------------	----------------	---------------	-----------------	----------------



二十八在陰少陰分針之小腹急疼	二十九在膝脛厥陰分針之筋痿少力	三十在足跌陽明分日空亡不瀉忌針	推十二支人神 <small>所在處忌針灸</small>	子日 <small>在目</small> 丑日 <small>在脾一</small> 寅日 <small>在胃</small> 卯日 <small>在脾一</small>	辰日 <small>在手</small> 巳日 <small>在手</small> 午日 <small>在心</small> 未日 <small>在手一</small>	申日 <small>在頭一</small> 酉日 <small>在背</small> 戌日 <small>在面一</small> 亥日 <small>在</small>	推十二時人神	欽定四庫全書 銅人鍼灸經	子時 <small>在踝</small> 丑時 <small>在腰</small> 寅時 <small>在目</small> 卯時 <small>在面</small>	辰時 <small>在頭</small> 巳時 <small>在手</small> 午時 <small>在胃</small> 未時 <small>在腹</small>	申時 <small>在心</small> 酉時 <small>在背</small> 戌時 <small>在項</small> 亥時 <small>在股</small>	量穴法	凡量穴當以病人手中指第二節兩橫文相去之間為寸凡點穴時須要身平正不可拳曲切須慎之	灸艾雜說	凡灸文皆以日正午以後方可下火灸謂陰氣未至灸
----------------	-----------------	-----------------	---------------------------------	--	---	---	--------	-----------------	--	--	--	-----	---	------	-----------------------



無不着午前平旦穀氣虛令人癩眩不可卧灸謹之謹
 之大槩如此卒急者又不可拘此若遇陰霧大起風雪
 忽降猛雨灸暑雷電虹霓且暫停候晴明可方下火灸
 時不得傷飽大饑飲酒生硬物兼不可思慮憂愁呼罵
 嘆息一切不祥切須忌之

欽定四庫全書

銅人鍼灸經

銅人鍼灸經卷七

